

Izveštaj o radu Uprave policije MUP-a Kantona Sarajevo za mjesec avgust 2019. godine

KRIMINALITET

OSNOVNI STATISTIČKI POKAZATELJI KRIMINALITETA

U mjesecu avgustu 2019. godine, na području Kantona Sarajevo registrovano je 291-no krivično djelo što je za 14 ili 4,6% manje u odnosu na isti mjesec prethodne godine.

Od ukupnog broja registrovanih krivičnih djela, 169 ili 58,1% izvršeno je od strane poznatih, a 122 ili 41,9% od strane nepoznatih izvršilaca.

Za 20 djela ili 16,4% od ukupnog broja krivičnih djela prijavljenih po nepoznatom izvršiocu, naknadno je identifikovan osumnjičeni izvršilac, od čega je pet krivičnih djela iz izvještajnog, a 15 iz ranijeg perioda.

Iz naprijed navedenog proizilazi da su službenici Uprave policije MUP-a KS u izvještajnom mjesecu za ukupno 189 krivičnih djela ili 64,9%, identifikovali osumnjičene izvršioce, što je za 7,2% više u odnosu na isti mjesec prethodne godine.

Zbog postojanja osnova sumnje da su počinili krivična djela prijavljeno je 170 lica (17 više), od čega je 97 povratnika (12 više) u izvršenju krivičnih djela (ili 57,1%), četiri maloljetnika (isto), a 93 lica su lišena slobode (34 više).

Izvršenjem registrovanih krivičnih djela u mjesecu avgustu 2019. godine, prema izjavama oštećenih lica, nastupila je materijalna šteta u ukupnom iznosu od 580.031,38 KM i 450 €.

PREGLED KRIMINALITETA NA PODRUČJU KANTONA SARAJEVO U MJESECU AVGUSTU 2019/18. GODINE
POSMATRANO PO GLAVAMA KZFBIIH-a

KRIVIČNA DJELA	AVGUST 2019.	AVGUST 2018.	uporedba		rasvjetlj. AVGUST 2019. godine	
			+/-	%	broj kd	%
Protiv života i tijela	14	20	-6	-30%	14	100%
Protiv slobode i prava čovjeka i građanina	10	14	-4	-28,6%	10	100%
Protiv spolne slobode i morala	1	1	0	isto	1	100%
Protiv braka, porodice i mladeži	25	15	10	66,7%	25	100%
Protiv zdravlja ljudi	54	27	27	100%	54	100%
Protiv privrede poslovanja i sigurn. platnog prometa	1	0	1	---	1	100%
Protiv imovine	153	209	-56	-26,8%	53	34,6%
Protiv opće sigurnosti ljudi i imovine	6	5	1	20%	4	66,7%
Protiv sigurnosti javnog prometa	8	2	6	300%	8	100%
Protiv pravosuđa	0	2	-2	---	0	---
Protiv javnog reda i pravnog prometa	12	7	5	71,4%	12	100%
ZONDINOIM - Zakon o nabavljanju, držanju i nošenju oružja i municije (Sl.novine KS br. 01/18)	7	3	4	133,3%	7	100%
UKUPNO	291	305	-14	-4,6%	189	64,9%

U mjesecu avgustu 2019. godine u odnosu na isti mjesec prethodne, zabilježeno je smanjenje broja registrovanih krivičnih djela za 14 ili 4,6%. Smanjenje je registrovano u oblastima protiv imovine (za 56 djela), života i tijela (za šest), slobode i prava čovjeka i građanina (za četiri) i pravosuđa (za dva), dok je povećanje zabilježeno u oblastima protiv zdravlja ljudi (za 27 djela), sigurnosti javnog prometa (za šest), javnog reda i pravnog prometa (za pet), itd.

PREGLED KRIVIČNIH DJELA PO OBLASTIMA

KRIVIČNA DJELA PROTIV ŽIVOTA I TIJELA

Tokom mjeseca avgusta 2019. godine u ovoj oblasti evidentirano je 14 krivičnih djela (šest manje u odnosu na uporedni mjesec) i to: ubistvo - jedno djelo (isti broj djela), ubistvo u pokušaju - jedno djelo (nije bilo ovih djela), teška tjelesna ozljeda – pet (jedno manje) i lahka tjelesna ozljeda – sedam djela (pet manje).

Sva djela iz ove oblasti su rasvijetljena, a zbog postojanja osnova sumnje da su ih počinili, nadležnom tužilaštvu podneseni su službeni izvještaji protiv 15 lica, od kojih su tri povratnika, a pet je lišeno slobode.

KRIVIČNA DJELA PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je deset krivičnih djela (četiri manje) i to: - ugrožavanja sigurnosti - osam, narušavanje nepovredivosti doma i otmica u pokušaju - po jedno djelo. Zbog izvršenja navedenih djela prijavljeno je 12 lica, od kojih je pet povratnika, a četiri su lišena slobode.

Krivična djela ugrožavanja sigurnosti počinjena su upućivanjem verbalnih prijetnji, pisanjem poruka prijetećeg sadržaja i sl. bez težih posljedica po oštećene.

KRIVIČNA DJELA PROTIV BRAKA, PORODICE I MLADEŽI

U izvještajnom mjesecu evidentirano je 25 djela (10 više) - nasilje u porodici za čije izvršenje je prijavljeno 25 lica, od kojih je 11 povratnika, a 20 je lišeno slobode.

KRIVIČNA DJELA PROTIV ZDRAVLJA LJUDI

Prijavljena su 54 krivična djela iz oblasti protiv zdravlja ljudi (27 više) i to:

- neovlašćena proizvodnja i stavljanje u promet opojnih droga (čl. 238. KZ FBiH) – pet i
- posjedovanje i omogućavanje uživanja opojnih droga (čl. 239. KZ FBiH) – 49 djela.

Zbog postojanja osnova sumnje da su počinili navedena djela podneseni su službeni izvještaji protiv 55, od kojih je 41 povratnik ili 74,5%, a 32 su lišena slobode.

Policijski službenici Uprave policije su Kantonalnom tužilaštvu Sarajevo podnijeli službene izvještaje protiv sedam lica zbog postojanja osnova sumnje da su u proteklom periodu u više navrata kupovali opojnu drogu "Marihuanu" od za sada nepoznatih lica, na raznim lokalitetima, istu prepakivali, a zatim vršili prodaju raznim konzumentima na području Kantona, čime bi počinili krivično djelo iz člana 238. KZ FBiH-a (Neovlašćena proizvodnja i stavljanje u promet opojnih droga), te protiv ukupno 48 lica koja su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga (Marihuana, Heroin, Ecstasy, itd.) čime bi počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).

PREGLED ODUZETE KOLIČINE OPOJNIH DROGA U MJESECU AVGUSTU 2019/18. GODINE

VRSTA OPOJNE DROGE	avgust 2019. godine	avgust 2018. godine
Marihuana (u gramima)	236	245
Marihuana (paketići)	15	11
Marihuana (ručno spravljene cigarete)	4	2
Heroin (paketići)	2	1
Ecstasy (tablete)	28	---
Amfetamin (paketići)	6	2
Pribor sa ostacima droge	4	2

KRIVIČNA DJELA PROTIV IMOVINE

U ovom mjesecu, registrovana su 153 krivična djela protiv imovine, što je za 56 djela ili 26,8% manje u odnosu na isti mjesec prošle godine. Među djelima iz ove oblasti najbrojnije su: teške krađe – 98 djela (27 manje), zatim krađe – 17 (šest manje), razbojništvo – 23 (deset manje), oštećenje tuđe stvari – osam (tri manje), paljevina tri (jedno više), teška krađa u pokušaju – dva (četiri manje), itd.

Za ukupno 53 ova djela ili 34,6% identifikovan je osumnjičeni izvršilac što je za 7% manja rasvijetljenost ovih djela u odnosu na isti mjesec predhodne godine.

Kada su u pitanju teške krađe, prema objektu izvršenja najbrojniji su bili stambeni objekti - 35 slučaja (deset manje), zatim slijede motorna vozila (otuđenja pmv i “provale” u ista) - 34 (14 manje), poslovni prostori - 12 (11 manje), itd.

Na području Kantona Sarajevo u mjesecu avgustu ove godine izvršeno je 15 krivičnih djela teških krađa motornih vozila od čega je 13 ili 86,7% pronađeno i vraćeno vlasnicima (Uprava policije MUP-a KS vratila je deset i vlasnici su pronašli tri vozila).

Broj teških krađa motornih vozila, smanjen je za za 11 ili 42,3%.

Prijavljeno je 17 krivičnih djela krađe (šest manje), koja su izvršena devet puta na ulici, sedam u poslovnim prostorijama i jedno u tramvaju odakle su otuđivani novčanici, auto dijelovi, nafta, itd.

Evidentirano je 14 krivičnih djela teških krađa na naročito opasan ili naročito drzak način (sedam više), u kojima su izvršioc, upotrebom fizičke snage – 13 puta i verbalnom prijetnjom u jednom slučaju, otimali novac i mobitele. Ova djela izvršena su na ulici - 13 puta i jedno u apoteci.

Ukupno su rasvijetljena četiri djela "drskih krađa" ili 28,6% (57,1% manje), a zbog postojanja osnova sumnje da su ih počinili nadležnom tužilaštvu podneseni su službeni izvještaji protiv četiri lica, povratnika u činjenju krivičnih djela.

Registrovana su 23 krivična djela razbojništva (deset manje), od čega je za 12 ili 52,2% djela identifikovan osumnjičeni izvršilac (što je za 9,8% više u odnosu na uporedni mjesec).

Ova djela izvršena su prijetnjom upotrebe vatrenog oružja - deset puta, prijetnjom upotrebe noža ili drugog oštrog predmeta – šest i upotrebom fizičke snage – sedam puta, a počinjena su u prodavnicama i drugim poslovnim prostorima - devet puta, na ulici - šest, u apotekama - pet, u kući, na benzinskoj pumpi i u sportskoj kladionici - po jedno. Otuđivan je novac, mobiteli, lijekovi, jedno putničko-motorno vozilo, itd.

Zbog postojanja osnova sumnje da su ih počinili nadležnom tužilaštvu podneseni su službeni izvještaji protiv osam lica, od kojih je sedam povratnika u činjenju krivičnih djela i sedam lica je lišeno slobode.

KRIVIČNA DJELA PROTIV OPĆE SIGURNOSTI LJUDI I IMOVINE

Iz ove oblasti evidentirano je šest djela (jedno više) i to izazivanje opće opasnost - pet i nesavjesno čuvanje pasa i drugih opasnih životinja - jedno djelo. Zbog postojanja osnova sumnje da su ih počinili nadležnom tužilaštvu podneseni su službeni izvještaji protiv četiri lica od kojih su tri povratnika, a dva su lišena slobode.

Krivična djela izazivanja opće opasnosti izvršena su na otvorenom prostoru pri čemu je u jednom slučaju pucano iz vatrenog oružja i četiri puta otvorenim plamenom izazvan požar. Posljedica izvršenja navedenih djela je nastala materijalna šteta i uznemirenost građana.

KRIVIČNA DJELA PROTIV JAVNOG REDA I PRAVNOG PROMETA

U ovoj oblasti registrovano je 12 krivičnih djela (pet više) i to: krivotvorenje isprave - četiri djela, nedozvoljeno držanje oružja ili eksplozivnih materija, napad na službenu osobu u vršenju poslova sigurnosti i ovjeravanje neistinitog sadržaja – po dva djela, nasilničko ponašanje i skidanje ili povreda službenog pečata ili znaka - po jedno djelo.

Zbog postojanja osnova sumnje da su počinili krivična djela iz ove oblasti, nadležnom tužilaštvu podneseni su službeni izvještaji protiv deset lica, od kojih je pet povratnika, a tri su lišena slobode.

KRIVIČNA DJELA POČINJENA OD STRANE MALOLJETNIH IZVRŠILACA

U toku mjeseca avgusta 2019. godine, policijski službenici su nadležnom tužilaštvu podnijeli službeni izvještaj protiv četiri maloljetna lica zbog postojanja osnova sumnje da su izvršili četiri krivična djela. U odnosu na isti mjesec 2018. godine, broj maloljetnih učinilaca krivičnih djela ostao je isti, kao i broj krivičnih djela za koja su prijavljeni maloljetnici.

Prijavljeni maloljetnici su u dobi od 14 do 16 godina – tri, od 16 do 18 godina – jedan. Od ukupnog broja maloljetnika dva su povratnika u izvršenju krivičnih djela.

Struktura krivičnih djela izvršenih od strane maloljetnih lica u avgustu 2019/2018. godine

Naziv krivičnog djela	avgust 2019.	avgust 2018.
ubistvo	1	---
ubistvo u pokušaju	1	---
lahka tjelesna ozljeda	---	1
teška tjelesna ozljeda	1	---
oštećenje tuđe stvari	1	---
teška krađa na naročito opasan ili naročito drzak način	---	1
lažno prijavljivanje	---	2
UKUPNO	4	4

OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO-EKSPLOZIVNIH SREDSTAVA

U toku mjeseca avgusta 2019. godine nije bilo evidentiranih aktiviranja minsko-eksplozivnog sredstava (kao u avgustu 2018. godine).

U toku izvještajnog mjeseca nije bilo registrovanih slučajeva anonimnih dojava o postavljanju eksplozivnih naprava (kao u avgustu 2018. godine).

POŽARI

Tokom mjeseca avgusta 2019. godine, na području Kantona Sarajevo registrovan je 21 požar (10 više) koji je za posljedicu imao materijalnu štetu.

Prema statističkim pokazateljima, 11 požara je izazvano namjerno, četiri zbog tehničkih nedostataka, dok uzroci šest požara spadaju u kategoriju ostalih.

Objekti registrovanih požara bili su:

- Saobraćajno sredstvo – devet puta,
- Stambeni objekat – četiri,
- Poslovni prostor – dva,
- Pomoćni objekat – jednom,
- ostali objekti – pet puta.

SAMOUBISTVA

U mjesecu avgustu 2019. godine na području Kantona Sarajevo registrovana su dva samoubistva (jedno manje) koja su izvršena: gušenjem i skakanjem sa visine. Izvršiocu su muškarac i žena u dobi preko 50 godina.

OSTALE AKTIVNOSTI

U sklopu aktivnosti na oduzimanju nelegalno posjedovanog oružja i drugih predmeta oduzeto je: 12 pištolja, tri puške, dva noža, jedna ručna bomba, 275 komada municije raznog kalibra, itd.

Tokom mjeseca avgusta ove godine fizičkim licima izdata su 24 odobrenja za nabavku vatrenog oružja i 45 oružnih listova.

JAVNI RED I MIR

U toku mjeseca avgusta 2019. godine u oblasti protiv javnog reda i mira registrovano je 448 prekršaja (naloga - 338, zahtjeva za pokretanje prekršajnog postupka - 110), što u odnosu na mjesec avgust 2018. godine predstavlja povećanje za 22 ili 5,2%. Za izvršenje navedenih prekršaja prijavljeno je 476 lica (14 ili 3% više).

Na prekršaje utvrđene Zakonom o prekršajima protiv javnog reda i mira odnosi se 392 prekršaja (ili 87,5%), a na prekršaje koji su utvrđeni Odlukom općinskih vijeća o javnom redu i miru 56 ili 12,5%.

Od ukupnog broja prijavljenih lica, 67 su lica koja su i ranije činila prekršaje (povratnici), a prema starosnoj strukturi učinilaca prekršaja, najbrojniji su u dobi preko 36 godina (299), između 26 i 35 godina (121) i 19 i 25 godina (56).

Prilikom narušavanja javnog reda i mira u mjesecu avgustu 2019. godine, nije bilo teže povrijeđenih lica (kao ni u istom mjesecu 2018. godine), dok je 11 lica (jedno više) lakše povrijeđeno.

Tabelarni pregled strukture prekršaja iz oblasti javnog reda i mira
za mjesec avgust 2019/2018. godine

STRUKTURA PREKRŠAJA	AVGUST 2019.	AVGUST 2018.	+ - %
UKUPNO prekršajnih naloga i zahtjeva za ppp	448	426	+22 ili 5,2%
UKUPNO lica	476	462	+14 ili 3%
Prekršaji prema Zakonu o prekršajima protiv JRiM:	392	378	+14 ili 3,7%
-Tuča	39	39	isti broj
-Naročito drsko ponašanje	51	47	+4 ili 8,5%
-Odbijanje naređenja i omalovažavanje pol. služb.	24	35	-11 ili 31,4%
-Prosjačenje	189	201	-12 ili 6%
-Paljenje petardi	1	1	isti broj
Uživanje opojne droge na javnom mjestu	0	0	---
-Svađa, vika, nepristojno ponašanje	28	9	+19 ili 211,1%
-Ostali prekršaji	60	46	+14 ili 30,4%
Ukupno naloga/ zahtjeva prema Odluci o.v. o JRM	56	48	+8 ili 16,7%

Prema vrsti prekršaja, najbrojniji su sljedeći prekršaji: prosjačenje (189 ili 42,2% od ukupnog broja) i naročito drsko ponašanje (51 ili 11,4%). Takođe, evidentirano je 60 prekršaja iz kategorije ostali i 56 prekršaja koji su regulisani Odlukom općinskih vijeća.

U odnosu na isti mjesec 2018. godine smanjen je broj prekršaja učinjenih odbijanjem naređenja i omalovažavanjem policijskih službenika i prosjačenjem, a broj prekršaja učinjenih tučom i paljenjem petardi je ostao isti, dok je broj svih ostalih prekršaja povećan.

Prema mjestu izvršenja, najveći broj prekršaja evidentiran je na ulici i na drugim otvorenim prostorima (406 ili 90,6%), a znatno manje u ugostiteljskim objektima (26 ili 5,8%), školama i školskim dvorištima i u trgovinskim i zanatskim radnjama (po dva), a na ostalim mjestima 12 prekršaja.

Tabelarni pregled strukture prekršaja iz oblasti javnog reda i mira prema mjestu izvršenja
u mjesecu avgustu 2019/2018. godine

MJESTO IZVRŠENJA	AVGUST 2019.	AVGUST 2018.	+ - %
Ulica i drugi otvoreni prostor	406	397	+9 ili 2,3%
Ugostiteljski objekti	26	16	+10 ili 62,5%
Vozila javnog saobraćaja	0	0	---
Sportski stadioni i dvorane	0	1	-1
Škole (školska dvorišta)	2	0	+2
Trgovinske i zanatske radnje	2	1	+1 ili 100%
Ostala mjesta	12	11	+1 ili 9,1%
UKUPNO	448	426	+22 ili 5,2%

U odnosu na mjesec avgust 2018. godine, smanjen je broj prekršaja evidentiranih na sportskim terenima, dok je na svim ostalim mjestima taj broj povećan.

Na području Kantona Sarajevo u mjesecu avgustu 2019. godine održan je 221 javni skup (76 ili 25,6% manje u odnosu na avgust 2018. godine). Policijski službenici Uprave policije su proveli planske

aktivnosti za održavanje javnih skupova, koji su protekli bezbjedno, a u 108 slučajeva izvršeno je KDZ osiguranje.

SAOBRAĆAJ

Na području Kantona Sarajevo u mjesecu avgustu 2019. godine, registrovan je isti broj saobraćajnih nezgoda kao u avgustu prošle godine. Povećan je broj nezgoda sa nastradalim licima i broj nastradalih lica, dok je smanjen broj nezgoda sa materijalnom štetom.

Registrovano je 829 saobraćajnih nezgoda (isti broj), od čega je 746 sa materijalnom štetom (devet ili 1,2 % manje) i 83 sa nastradalim licima (devet ili 12,2 % više). U navedenim nezgodama dva lica su poginula (u istom mjesecu prošle godine nije bilo poginulih lica), dok je 106 lica povrijeđeno (19 ili 21,8 % više), od čega 24 teže i 82 lakše.

UPOREDNI POKAZATELJI SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
ZA MJESEC AVGUST 2019./18. GODINE

	avgust 2019.	avgust 2018.	+ , - , %
UKUPNO SAOBRAĆAJNIH NEZGODA	829	829	isto
Saobraćajne nezgode sa nastradalim licima	83	74	+ 9 ili 12,2 %
Saobraćajne nezgode sa materijalnom štetom	746	755	- 9 ili 1,2 %
POGINULO LICA	2	0	+ 2
- vozači	1	0	+ 1
- putnici	0	0	-----
- pješaci	1	0	+ 1
POVRIJEĐENO LICA	106	87	+ 19 ili 21,8 %
- vozači	49	45	+ 4 ili 8,9 %
- putnici	40	28	+ 12 ili 42,8 %
- pješaci	17	14	+ 3 ili 21,4 %

U naselju je registrovano 739 saobraćajnih nezgoda (dvije sa poginulim, 68 sa povrijeđenim licima i 669 sa materijalnom štetom), van naselja 90 nezgoda (13 sa povrijeđenim licima i 77 sa materijalnom štetom).

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
U MJESECU AVGUSTU 2019. GODINE (U NASELJU I VAN NASELJA)

SAOBRAĆAJNE NEZGODE	SA NASTRADALIM LICIMA			SA MATERIJALNOM ŠTETOM	UKUPNO	POSLJEDICE		
	sa poginulim licima	sa povrijeđenim licima				broj poginulih lica	broj teže povrijeđenih lica	broj lakše povrijeđenih lica
		teže	lakše					
u naselju	2	15	53	669	739	2	19	71
van naselja		4	9	77	90		5	11
UKUPNO	2	19	62	746	829	2	24	82

Prema kategoriji puta, najveći broj saobraćajnih nezgoda registrovan je:

- na ulicama u naselju – 491 nezgoda u kojoj je 50 lica nastradalo (dva lica poginula, 48 lica povrijeđeno – devet teže i 39 lakše),
- na magistralnim putevima – 116 nezgoda u kojima je 31 lice povrijeđeno (šest teže i 25 lakše),
- na lokalnim putevima – 62 (11 lica povrijeđeno, tri teže i osam lakše),

- na regionalnim putevima – 23 (dva lica lakše povrijeđena),
- na putevima koji se ubrajaju u kategoriju ostalih –137 saobraćajnih nezgoda (14 lica povrijeđeno, šest teže i osam lakše).

POSLEDICE SAOBRAĆAJNIH NEZGODA

Tokom mjeseca avgusta 2019. godine, u saobraćajnim nezgodama na području Kantona Sarajevo nastradalo je ukupno 108 lica (21 ili 24,1 % više). Dva lica su poginula¹ (u istom mjesecu prošle godine nije bilo poginulih lica), dok je 106 lica povrijeđeno (19 ili 21,8 % više) od čega 24 teže i 82 lakše.

UPOREDNI POKAZATELJI NASTRADALIH LICA
U MJESECU AVGUSTU 2019/18. GODINE

učesnici u saobraćaju	avgust 2019. godine	avgust 2018. godine	uporedba	
			+/-	%
vozači	50	45	+ 5	+ 11,1 %
putnici	40	28	+ 12	+ 42,8 %
pješaci	18	14	+ 4	+ 28,6 %
UKUPNO	108	87	+ 21	+ 24,1 %

TABELARNI PREGLED NASTRADALIH LICA U SAOBRAĆAJNIM NEZGODAMA PO KATEGORIJI UČESNIKA
ZA MJESEC AVGUST 2019/18. GODINE

mjesec	AVGUST 2019. GODINE			AVGUST 2018. .GODINE			UPOREDBA AVGUST 2019/18. GOD.		
	poginulo	teško povrijeđeno	lakše povrijeđeno	poginulo	teško povrijeđeno	lakše povrijeđeno	poginulo	teško povrijeđeno	lakše povrijeđeno
VOZAČI	1	7	42	0	6	39	+ 1	+ 1	+ 3
PUTNICI	0	8	32	0	1	27	-----	+ 7	+ 5
PJEŠACI	1	9	8	0	2	12	+ 1	+ 7	- 4
UKUPNO	2	24	82	0	9	78	+ 2	+ 15	+ 4

STEPEN POVREDA UČESNIKA U SAOBRAĆAJNIM NEZGODAMA

- Vozači : 49 vozača povrijeđeno (sedam teže, 42 lakše)
- Putnici: 40 putnika povrijeđeno (osam teže, 32 lakše)
- Pješaci: 17 pješaka povrijeđeno (devet teže, osam lakše)

Starosna struktura nastradalih lica u saobraćajnim nezgodama je slijedeća:

- od 31 do 40 godina – 22 lica,
- od 51 do 65 godina – 21,
- od 25 do 30 godina – 16,
- od 41 do 50 godina – 13,
- od 21 do 24 godine – devet, itd.

Starosna struktura nastradalih vozača u saobraćajnim nezgodama je slijedeća:

- od 30 do 40 godina – 18 lica,

¹

- od 18 do 30 godina – 14,
- od 40 do 50 godina – devet,
- od 50 do 60 godina – šest, itd.

UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju:

- ostalih – 686 (dva lica poginula, 70 lica povrijeđeno, 11 teže i 59 lakše),
- neprilagođena brzina – 134 (31 lice povrijeđeno, 11 teže i 20 lakše),
- uticaj alkohola – devet (pet lica povrijeđeno, dva teže i tri lakše).

AKTIVNOSTI POLICIJE IZ OBLASTI SIGURNOSTI SAOBRAĆAJA

Tokom mjeseca avgusta 2019. godine, policijski službenici Uprave policije MUP-a Kantona Sarajevo kontrolisali su:

- 17.913 vozila (2.094 više),
- 4.094 lica u vozilima (5.436 manje),
- 145 vozila pregledali (41 više),
- 148 lica u tim vozilima (33 više).

Zbog tehničke neispravnosti iz saobraćaja su isključena 44 vozila (10 manje), 266 vozača je zatečeno da upravljaju vozilom pod dejstvom alkohola (27 više), 449 bez korištenja sigurnosnog pojasa (49 više), 173 bez položenog vozačkog ispita (55 više), 45 pod izrečenom zaštitnom mjerom (16 više), 324 vozača su zatečena da koriste mobilne telefone tokom vožnje (170 manje) i 509 vozila je učestvovalo u saobraćaju bez važeće registracije (255 više).

Zbog kršenja propisa iz oblasti sigurnosti saobraćaja uručeno je 17.085 prekršajnih naloga vozačima (2.561 ili 17,6 % više u odnosu na avgust prošle godine) i podneseno 70 zahtjeva za pokretanje prekršajnog postupka (45 ili 180 % više).

MIRUJUĆI SAOBRAĆAJ I KONTROLA PJEŠAKA

Policijski službenici su i tokom mjeseca avgusta 2019. godine organizovali aktivnosti po pitanju saobraćaja u mirovanju i kontrole kretanja pješaka.

Protiv vozača koji su vozila nedozvoljeno parkirali na javnim površinama, uručeno je 7.735 prekršajnih naloga (2.233 više), upozoreno je 307 vozača (40 manje), a specijalnim vozilom "pauk" premještena su 224 vozila (74 više).

Takođe, pješacima koji su kršili propise uručena su 204 prekršajna naloga (284 manje), a upozoreno je 39 pješaka (šest manje).

ZAKONITOST U RADU

Tokom mjeseca avgusta 2019. godine, registrovan je jedan pojedinačni napad (u istom mjesecu prošle godine nije bilo napada) na policijskog službenika Prve PU. Napad je izvršen prilikom legitimisanja i tom prilikom je jedan policijski službenik lakše povrijeđen.

Tokom mjeseca avgusta tekuće godine registrovana su dva slučaja (tri manje) upotrebe sile.

Tokom izvještajnog mjeseca, razmatrane su 43 predstavke na rad policijskih službenika. Nakon razmatranja Odbor za žalbe građana Skupštine Kantona Sarajevo donio je zaključak da se za 21 predstavku (11 više) provede unutrašnja istraga. Za 14 predstavki je odlučeno da se izvrše provjere i prikupi dokumentacija, za pet da su neosnovane, a za jednu da se pripoji ranijoj anonimnoj predstavi. U jednom slučaju prijava je dostavljena Sektoru krim. policije sa zahtjevom da se obavijesti Odbor o poduzetim radnjama, dok su u jednom slučaju zatražene detaljnije informacije od podnosioca predstavke.

Od ukupno 43 razmatrane predstavke, 34 su podnesene od strane građana, dok devet predavki predstavljaju saznanja iz službe.

Okončano je šest unutrašnjih istraga, među kojima su tri osnovane, jedna je neosnovana, dok je u dva slučaja istraga okončana ocjenom oslobađajuća.

RAD POLICIJE U ZAJEDNICI

U okviru Rada policije u zajednici, policijski službenici Uprave policije MUP-a Kantona Sarajevo su tokom izvještajnog mjeseca preduzimali brojne aktivnosti u cilju uspostavljanja što bolje saradnje sa građanima, mjesnim zajednicama, školama, predstavnicima vjerskih zajednica, raznim udruženjima građana, nevladinim organizacijama, itd.

Obavljajući svoje redovne aktivnosti službenici policije su vršili obilaskе mjesnih zajednica, obrazovnih institucija, zatim ostvarivali kontakte sa vjerskim službenicima u cilju preduzimanja zajedničkih aktivnosti na osiguranju vjerskih manifestacija i objekata, kao i sa organizatorima sportskih, kulturnih i drugih vrsta javnih okupljanja.

Pored navedenog, tokom mjeseca avgusta 2019. godine su, između ostalog, realizovane slijedeće aktivnosti:

Održane su edukativne radionice na temu "Djeca u saobraćaju" i "Policajac prijatelj" u vrtićima na području općine Novi Grad.

U periodu od 21. do 23. avgusta ove godine održane su dvije radionice na temu "Trening timova za realizaciju modula program socijalizacije s pravom" u okviru projekta "Program socijalizacije s pravom (PSP) u organizaciji PH International Ured u Sarajevu na kojem je učešće uzelo i deset policijskih službenika Uprave policije MUP-a KS.

Nastavljene su aktivnosti u cilju implementacije zadatka u okviru realizacije projekta "Uklanjanja grafita-zona bez grafita".

U toku mjeseca avgusta policijski službenici Uprave policije izvršili su fizičko i saobraćajno osiguranje i pratili održavanje javnih skupova sa učešćem velikog broja građana kao što su "Igman - 2019", "25. Sarajevo Film Festival", "Druženje lovaca BiH 2019.", itd.

Sarajevo, 16.09.2019. godine

Odjeljenje za odnose s javnošću